

**Bosna i Hercegovina
Federacija Bosna i Hercegovina
Tuzlanski kanton
GRAD GRAČANICA
GRADONAČELNIK**

**DOKUMENT OKVIRNOG BUDŽETA
GRADA GRAČANICE ZA PERIOD
2022. – 2024.GODINA**

Gračanica, juni 2021. godine

SADRŽAJ

Poglavlje 1 - Uvod.....	3
Poglavlje 2 - Srednjoročne makroekonomske pretpostavke i prognoze.....	4
2.1. Ekonomski rast.....	4
2.2. Industrijska proizvodnja.....	6
2.3. Tržište rada.....	6
2.4. Rizici ostavenja makroekonomskih projekcija.....	8
Poglavlje 3 - Srednjoročna fiskalna politika.....	9
Poglavlje 4 - Srednjoročna porezna politika i prognoza direktnih i indirektnih poreza Grada Gračanice.....	9
4.1. Prihodi budžeta Grada Gračanice.....	12
4.2. Izdaci Grada Gračanica.....	14
Poglavlje 5 – Otplata kredita.....	18

Na osnovu članova 15.; 16.; 17. i 18. Zakona o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16), Gradonačelnik
d o n o s i

DOKUMENT OKVIRNOG BUDŽETA GRADA GRAČANICA ZA PERIOD 2022. – 2024.GODINA

Poglavlje 1 - Uvod

U skladu sa Zakonom o budžetima Federacije Bosne i Hercegovine izrađen je Dokument okvirnog budžeta Grada Gračanica (DOB) koji je dio pristupa Srednjoročnog okvira rashoda za 2022.-2024. godinu. Cilj DOB-a je da pomogne da se razvije kvalitetniji strateški osnov za srednjoročno planiranje Budžeta i godišnji budžet, uključujući bolje povezivanje raspodjele resursa sa prioritetima politika navedenim u razvojnim strategijama, odnosno u Gradu Gračanica, prioritetnih politika utvrđenih u Strategiji razvoja Grada Gračanica do 2024.godine.

Dokument okvirnog budžeta za period 2022. - 2024. godina izlaže fiskalnu strategiju i budžetske planove za slijedeće tri godine i ima za cilj da razvije bolju stratešku osnovu za pripremu budžeta. DOB predstavlja preliminarni okvirni nacrt budžeta za 2022. godinu, te daje predviđanja za **2023-2024.** godinu.

Zakonom o budžetima u FBiH propisan je budžetski kalendar kojim su utvrđeni rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno gradonačelnik razmatra i usvaja do 30.juna tekuće godine.

Osnova za izradu budžeta zasniva se i na procjeni privrednog razvoja, razvoja socijalnog sektora, makroekonomskih pokazatelja, te prognozi prihoda i rashoda za godine koje su obuhvaćene Dokumentom okvirnog budžeta.

Ovaj dokument je urađen na bazi akta;

- Smjernice ekonomske i fiskalne politike Tuzlanskog kantona za period 2022.-2024.godina
- Direkcije za ekonomsko planiranje BiH (DEP),
- Revidiranih projekcija prihoda od direktnih poreza za 2021.godinu i period 2022.-2024.godina,
- Projekcije prihoda od indirektnih poreza za 2021.godinu i period 2022.-2024.godina dostavljene od Ministarstva finansija TK,
- Projekcije prihoda od indirektnih poreza za 2021.godinu i period 2022.-2024.godine dostavljene od strane JU Direkcije regionalnih cesta Tuzlanskog kantona
- Izvršenje budžeta Grada Gračanica za 2020.godinu,
- Pokazatelji koji se odnose na nivo ostvarenih prihoda Budžeta Grada Gračanica u periodu januar – maj 2021.godine.

Služba za poduzetništvo, lokalni razvoj i finansije Grada Gračanica, predlaže Gradonačelniku da razmotri i usvoji Dokument okvirnog budžeta Grada Gračanica za period 2022.-2024. godina kao osnov za pripremu, planiranje i izradu budžeta i finansijskih planova u Gradu Gračanica za 2022.godinu.

Poglavlje 2 - Srednjoročne makroekonomske pretpostavke i prognoze

Jedan od osnovnih preduslova održivog ekonomskog rasta te povećanja zaposlenosti jeste makroekonomska stabilnost. Makroekonomska stabilnost ostvarit će se efikasnim upravljanjem javnim finansijama kroz daljnje unaprijeđenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutrašnje revizije, te razvojem makroekonomske statistike.

2.1 - Ekonomski rast

Pandemija koronavirusa dovela je do pada globalne ekonomije i ekonomije EU u 2020.godini. Procjenjena stopa realnog pada BiH ekonomije u 2020.godini iznosi 4,1%.

Intezitet i dužina trajanja novonastalih okolnosti u suštini će odrediti kretanje ekonomskog rasta kako kratkoročno tako i u srednjem periodu. Eskalacija globalne pandemije virusa Covid-19 u svijetu kako i uvođenje potpunog lockdown-a u aprilu 2020.godine dovela su do pada vanjskotrgovinske robne razmjene, pri čemu su stope pada izvoza i uvoza robe iznosila 15,1% odnosno 18%. U skladu sa očekivanim padom ukupne privredne aktivnosti dolazi i do pada privatne potrošnje od 2,8% koja predstavlja ključnu determinantu ekonomskih kretanja, Glavni razlog smanjenja privatne potrošnje predstavlja već izvestan pad broja zaposlenih, smanjenja plata i doznaka građana iz inostranstva.

Direkcija za ekonomsko planiranje (DEP), pri Vijeću Ministara Bosne i Hercegovine izradila je makroekonomske pokazatelje na nivou Bosne i Hercegovine, koji se daju u sljedećoj tabeli :

Tabela 2.1 – Makroekonomski pokazatelji za BiH za period 2019.- 2024. godine miliona KM

N a z i v	Zvanični podaci		Projekcije			
	2019	2020	2021	2022	2023	2024
Nominalni BDP u mil KM	35.892	34.553	35.613	37.274	38.949	41.088
Nominalni rast %	4,8	-3,7	3,1	4,7	4,5	5,5
Potrošnja u mil KM	33.334	32.636	33.508	34.686	35.935	37.584
Realni rast u %	2,3	-1,8	1,8	1,7	1,8	2,0
Vladina potrošnja u mil KM	6.862	7.061	7.202	7.433	7.656	7.870
Realni rast u %	0,9	2,5	1,3	0,7	0,5	0,3
Privatna potrošnja u mil KM	26.471	25.575	26.306	27.253	28.279	29.713
Realni rast %	2,6	-2,9	2,0	2,0	2,2	2,4
Investicije u stalna sredstva u mil KM	6.994,	6.112	6.351	6.972	7.609	8.443
Realni rast u %	5,8	-10,8	2,7	8,7	7,7	9,0
Vladine investicije u mil KM	929	836	859	969	1077	1.239
Realni rast u %	4,10	-8,3	1,2	10,8	9,0	11,7
Privatne investicije u mil KM	6.064	5.276	5.492	6.003	6.531	7.204
Realni rast u %	6,1	-11,2	3,0	8,3	7,5	8,6
Uvoz u mil KM	19.482	16.662	17.421	18.627	20.143	21.958
Nominalni rast u %	1,7	-14,7	4,8	6,9	8,1	9,0
Realni rast u %	1,3	-11,4	3,0	4,5	5,1	5,3

Izvoz u mil KM	14.286	11.647	12.386	13.459	14.716	16.175
Nominalni rast u %	0,5	-18,5	6,3	8,7	9,3	9,9
Realni rast u %	0,4	-16,5	4,7	6,0	7,1	7,4
Nacionalna Bruto štednja u % BDP-a	18,5	15,8	15,9	16,5	17,00	17,6
Bilans tekućeg računa u mil KM	-1.087	-1.090	-1.332	-1.457	-1.764	-2.075
Rast u %	-1,2	29,3	3,5	7,4	13,4	15,2
Bilans tekućeg računa u % BDP-a	-3,1	-4,1	-4,2	-4,3	-4,6	-5,1

Napomena: Izvor podataka Direkcija za ekonomsko planiranje (DEP), mart 2021.godine

Procjenjuje se da će neizvjesnost uzrokovana pogoršanjem epidemiloške situacije prolongirati očekivane procese ekonomske stabilizacije i oporavka u drugoj polovici 2021.godine.

Stabilizacija uvjetovana efikasnijim djelovanjem u borbi protiv pandemije koronavirusa, materijalizacijom pretpostavki ekonomskih kretanja u okruženju i efikasnijim djelovanjem nadležnih institucija u procesu kreiranja i implementacije ekonomskih politika u Bosni i Hercegovini, te imajući u vidu sve navedene okolnosti i efekte niske osnovice iz prethodne godine u Bosni i Hercegovini na koncu 2021.godine može se očekivati realni rast BDP od 2,3% u odnosu na predhodnu godinu.

Prema istim projekcijama se očekuje da bi, usljed poboljšanja ekonomske aktivnosti u glavnim trgovinskim partnerima i jačanju izvozne tražnje u Bosni i Hercegovini na koncu 2021.godine mogao ostvariti realni rast ukupnog izvoza od 4,7% dok očekivani realni rast uvoza u 2021.godini iznosi 3%.

Pod pretpostavkom stabilizacije proizvodnje i postupnog oporavka zaposlenosti, te povećanja priliva doznaka građana iz inostranstva, realni rast privatne potrošnje bi trebao iznositi oko 2%. Takođe se navodi da bi nastavak podrške zdravstvu i privredi u borbi sa pandemijom mogao dovesti do povećane javne potrošnje od minimalno 1,3% u 2021.godini.

Ključno uporište ekonomskih kretanja u Bosni i Hercegovini u razdoblju 2022-2024.godina predstavljaju predviđena kretanja gospodarske aktivnosti u ekstremnom okruženju i razvoj situacije koja je vezana za globalnu pandemiju virusa Covid-19.

Međutim, Svjetska zdravstvena organizacija kao jedina mjerodavna međunarodna institucija još uvijek nije zvanično izdala saopštenje o dužini trajanja globalne pandemije virusa Covid-19.

S druge strane određene Međunarodne finansijske institucije kao što je MMF za 2021.godinu očekuju postepen i veopma neizvjestan oporavak svjetske ekonomije sa očekivanom stopom ekonomskog rasta od 5,4%. S druge strane za područje zemalja EU u 2021.godini očekuju se ekonomski rast od 5,8% što djeluje prilično optimistično u ovom trenutku.

Preduslov realizacije navedenih projekcija predstavlja prevazilaženje novonastalih okolnosti u što krećem roku, poboljšanje međunarodnog ekonomskog okruženja i implementacije kako interventnih tako i szrukturnih reformi u zemlji kako bi se ojačao doprinos internih dianmika u ekonomskom rastu u Bosni i Hercegovini.

Osim preduvjeta poboljšanja u vanjskom okruženju, jako bitan uvjet za oporavak ekonomskog rasta u zemlji tokom srednjoročnog razdoblja predstavlja i institucionalni kapacitet zemlje u sprovođenju strukturalnih reformi.

Pod pretpostavkom materijalizacije navedenih okolnosti , u razdoblju 2022.-2024.godina u bosni i Hercegovini se očekuje nešto snažniji ekonomski oporavak sa prosječnom stopom realnog ekonomskog rasta od preko 3% na godišnjem nivou. Pretpostavlja se da bi ključni oslonac ekonomskog rasta tokom ovog perioda trebala predstavljati domaća tražnja kroz povećanje privatne potrošnje i investicija.

Značajno opterećenje kada su u pitanju javne finansije u Bosni i Hercegovini moglo bi predstvaljati vrlo izvjesno povećanje javnog duga koji je direktna posljedica Covid – 19 i biće vidljiva u srednjem roku.

Tako se u periodu 2021.-2023.godina očekuje tek blagi rast javne potrošnje od 0,3% na godišnjem nivou (2021: -0,2%, 2022: 0,7% i 2023:0,5%).

Ako se ima u vidu da bi tokom ovog perioda projicirana stopa ekonomskog rasta bila viša u odnosu na rast javne potrošnje, udio iste u BDP-u bi se djelimično smanjio na ispod 20% na kraju 2023.godine.

U ovom vremenskom periodu očekuje se da bi mjerama fiskalne politike dio sredstava uštede po osnovu tekuće potrošnje trebao biti kanaliziran u svrhu jačanja investicione potrošnje u Bosni i Hercegovini.

Samim tim, uz poboljšanje poslovnog ambijenta, investicije bi za razliku od predhodnih godina mogle imati značajan rast a samim tim i veći doprinos u očekivanom rastu BDP-a.

2.2. Industrijska proizvodnja i robna razmjena

Kretanje fizičkog obima industrijske proizvodnje u srednjem roku pored internih dinamika – restrukturiranja ekonomije, zavisit će i od privrednih kretanja na tržištima glavnih trgovinskih partnera kao što je bio slučaj i u dosadašnjem periodu. Posebno se na udaru našla prerađivačka industrija u Bosni i Hercegovini koja čini 2/3 ukupne industrijske proizvodnje i u velikoj mjeri je izvezno orijentisana. Ukoliko posljedice novonastalih okolnosti (pandemija Covid-19) budu sanirane u kraćem roku tokom ovog perioda u Bosni i Hercegovini se može očekivati osjetniji ekonomski napredak u okviru kojeg bi dešavanja u industrijskoj proizvodnji trebale imati centralnu ulogu. Pored povoljnih eksternih prilika u ovom srednjoročnom vremenskom okviru se očekuje i značajniji utjecaj internih dinamika u funkciji jačanja industrijske proizvodnje u Bosni i Hercegovini. Naime, tokom ovog perioda očekuje se da bi reformske mjere na unapređenju poslovnog ambijenta koje provode nadležne institucije u Bosni i Hercegovini trebale dati mjerljive rezultate.

Statistički podaci BHAS –a o kretanju fizičkog obima industrijske proizvodnje u 2020.godini ukazuju na nastavak negativnog trenda iz prethodne godine koji je dodatno intenziviran usljed širenja globalne pandemije virusa Covid-19. Naime prema preliminarnim podacima BHAS-a za period januar-decembar 2020.godine Bosna i hercegovina je zabilježila pad fizičkog obima industrijske proizvodnje od 6,2% u odnosu na isti period prethodne godine.

Ako se industrijska proizvodnja posmatra po sektorima vidljiv je pad u sva tri sektora proizvodnje, pri čemu je izvezno orijentisna prerađivačka industrija najviše pogođena negativnim utjecajem globalne pandemije virusa Covid-19 i zabilježila je pad proizvodnje od 7,6 % u odnosu na prethodnu godinu. Pored prerađivačke industrije došlo je do pada fizičkog obima proizvodnje od 1,1% u rudarstvu i oko 5% u sektoru za proizvodnju električne energije.

Međutim, vrijedi napomenuti da je u godini koju bilježi globalna pandemija Covid-a tokom četvrtog kvartala došlo do uvjetno rečeno blage stabilizacije ekonomskih prilika za razliku od prva tri kvartala kada je Bosna i Hercegovina bilježila čak dvocifrene stope pada proizvodnje.

Projekcije kretanje industrijske proizvodnje u Bosni i Hercegovini u 2021.godini trenutno je vrlo teško predvidjeti obzirom da je ista i tokom prethodne godine pokazala vidljive slabosti koje su se manifestovale padom fizičkog obima proizvodnje. Pored ovoga, neizvjesnost uzrokovana novonastalim okolnostima – pojavom epidemije virusa Covid-19 dodatno usložnjavaju izradu projekcije kretanja fizičkog obima industrijske proizvodnje u Bosni i Hercegovini.

U Tuzlanskom kantonu u 2019.godini , došlo je do pada ukupnog obima industrijske proizvodnje u odnosu na 2018.godinu od 2,1%. Prema područjima , prerađivačka industrija ostvaruje rast od 1,3% dok proizvodnja i snabdijevanje električnom energijom bilježi pad od 10,2% a vađenje ruda i kamena pad obima proizvodnje od 1,7%.

2.3. Tržište rada

Na osnovu raspoloživih podataka o broju zaposlenih lica u bosni i Hercegovini evidentno je da je pandemija virusa Covid -19 imala uticaja na tržište rada. U novembru 2020.godine broj zaposlenih lica u bosni i Hercegovini je iznosio 814,7 hiljada i manji je za 0,9 u odnosu na isti mjesec prethodne godine. Najznačajnije smanjenje broja zaposlenih lica bilo je u području djelatnosti prerađivačke industrije, djelatnosti pružanja smještaja te pripreme i usluživanja hrane (hotelijerstva i ugostiteljstva), trgovine a veliko i malo, te prevoza i skladištenja.

Prema projekcijama DEP-a u 2021.godini se očekuje pozitivan ekonomski rast u Bosni i hercegovini. Pored toga rast investicija i trgovine u Bosni i Hercegovini bi se trebao pozitivno odraziti na broj zaposlenih lica naročito u sektorima koji su i prethodnih godina zapošljavali najviše lica u Bosni i Hercegovini. Uz bolje poslovne prilike u oblasti industrije, trgovine ali i pojedinih uslužnih djelatnosti stvorili bi se realni uslovi za rast broja zaposlenih lica u posmatranim djelatnostima.

Prema podacima federalnog zavoda za zapošljavanje, u aprilu 2021.godine u tuzlanskom kantonu je bilo zaposleno ukupno 101.494 osobe. Na evidenciji JU Služba za zapošljavanje Tuzlanskog kantona, na kraju aprila 2021.godine

evidentirane su 73.680 nezaposlene osobe. Prosječna neto plata u tuzlanskom kantonu u decembru 2019.godine je iznosila 854,00 KM što je ispod prosjeka federacije BiH. U odnosu na kantonalni prosjek iz 2018.godine, neto plaća je veća za 7,2%. Najviše prosječna neto plata u tuzlanskom kantonu su u sektoru proizvodnje i opskrbe električnom energijom (1.684 KM), dok su najniže prosječne neto plate u ugostiteljstvu i hotelijerstvu. (525 KM)

Tabela 2.3.1. – Uporedna tabela zaposlenih/nezaposlenih u Federaciji BiH

	2013	2014	2015	2016	2017	2018	2019	2020
Broj zaposlenih	435.113	443.587	450.121	457.974	505.201	519.800	531.483	520.162
Broj nezaposlenih	388.704	391.427	390.204	377.854	357.971	329.907	307.864	323.244

Napomena: Izvor podataka Statistika Grad Gračanica

Tabela 2.3.2.. – Uporedna tabela zaposlenih/nezaposlenih u Gradu Gračanica

	2010	2011	2012	2013	2014	2015	2016	2017	2018	2019	2020
Broj zaposlenih	8.196	8.377	8.346	8.423	8.428	9.106	9.375	9.647	10.776	10.965	10.813
Broj nezaposlenih	8.857	8.968	9.350	9.658	9.651	9.345	8.675	7.881	7.399	7.101	7.320

Napomena: Izvor podataka Statistika Grad Gračanica

Tabela 2.3.3. – Uporedna tabela bruto i neto plaća u Federaciji BiH

	2010	2011	2012	2013	2014	2015	2016	2017	2018	2019	2020	IV/2021
Prosječna neto plata u KM	804	819	830	835	833	830	839	860	889	916	956	990
Prosječna Bruto plata u KM	1.223	1.248	1.286	1.275	1.272	1.269	1.283	1.318	1.365	1.407	1.472	1.534

Napomena: Izvor podataka Statistika Grad Gračanica

Tabela 2.3.4.. – Uporedna tabela neto plaća u Grad Gračanica

	2010	2011	2012	2013	2014	2015	2016	2017	2018	2019	2020
Prosječna neto plata u KM	533,31	526,05	524,00	520,00	536,00	524,00	541,00	586,00	615,00	631	649

Napomena: Izvor podataka Statistika Grad Gračanica

2.4 - Rizici ostvarenja makroekonomskih projekcija

Rizici za ostvarivanje navedenih projekcija se mogu klasifikovati u dvije grupe, i to na vanjske i unutrašnje, pri čemu su vanjski rizici dosta izvjesniji i utjecajniji na kretanje ekonomskog rasta u Bosni i Hercegovini. Pored činjenice da su raspoloživi izvještaji međunarodnih institucija najavljivali slabljenje ekonomske aktivnosti u eksternom okruženju, izbijanje globalne epidemije virusa Covid-19 se nametnulo kao ultimativni primarni rizik po realizaciju ovih projekcija iz osnovnog scenarija. Potrebno je imati u vidu da je tokom prethodnih godina eksterno okruženje (prije svega zemlje EU) kroz trgovinske i kapitalne tokove predstavljali su glavnu strukturalnu odrednicu većine ekonomskih kretanja u Bosni i Hercegovini. Visok nivo trgovinske integracije (koncentracije) uz nedovoljno diverzificiranu izvoznu ponudu za zemlju kao što je Bosna i Hercegovina može predstavljati i potencijalni izvor rizika po ekonomska kretanja u srednjem roku. S druge strane, prijetnju realizaciji ovih projekcija predstavljaju i unutrašnji izazovi odnosno unutrašnji rizici u Bosni i Hercegovini. Unutrašnje rizike predstavljaju složen sistem donošenja odluka i spor tempo provođenja ekonomskih reformi u zemlji. Eventualna kašnjenja u implementaciji interventnih mjera usljed pandemije Covid-19 i kao i provođenje opštih strukturalnih reformi moglo bi se negativno odraziti na ukupni ekonomski rast. Parcijalno provođenje programom predviđenih strukturalnih reformi (poslovno okruženje, tržište rada, obrazovanje, tržište energije, transporta i socijalne zaštite), kao i migracije mladog i obrazovnog stanovništva nesumnjivo bi rezultirao smanjenjem produktivnosti i sporijim rastom BDP-a od projektovanog u osnovnom scenariju. Eventualno prolongiranje ekonomskog oporavka u glavnim trgovinskim partnerima negativno bi se odrazilo na fizički obim, zaposlenost, investiciona ulaganja u okviru bh. Industrije zabilježen pad fizičkog obima proizvodnje, pojava virusa Covid-19 dodatno je pogodila istu tako da bi pretpostavka iz alternativnog scenarija bila da će BiH zabilježiti i dvocifren pad fizičkog obima industrijske proizvodnje praćen smanjenjem broja zaposlenih u okviru iste. Slabiji ekonomski oporavak glavnih trgovinskih partnera, zahtjevno poslovno okruženje, kao i nizak stepen implementacije reformi na tržištu proizvoda (digitalna transformacija, istraživanje, razvoj i inovacije) mogli bi predstavljati opterećenje i usporiti planirani oporavak industrijske proizvodnje u Bosni i Hercegovini u srednjem roku. Projekcije na tržištu rada određene su značajno dešavanjima u okruženju odnosno poslovnim ambijentom u Bosni i Hercegovini, EU i regionu. Ova dešavanja ujedno predstavljaju osnovne projekcije na tržištu rada. Prema tome, ekspanzija pandemije COVID-19 u 2021. godini, po pitanju zdravstvenih (vakcinisanje stanovništva) i ekonomskih kretanja mogla bi dodatno usporiti ekonomsku aktivnost u Bosni i Hercegovini, a time i odložiti oporavak tržišta rada. Uz sporiji ekonomski rast, investicije, trgovina i uopšte lošiji poslovni ambijent, broj zaposlenih lica kao i rast plata bio bi lošiji od pretpostavljenog u osnovnom scenariju.

Poglavlje 3 – SREDNJOROČNA FISKALNA POLITIKA

Fiskalnu politiku, usklađena sa mjerama Reformske agende, u 2021. godini u narednom srednjoročnom periodu fokusirana je na podršci makroekonomskom rastu, u cilju povećanja fiskalnog prostora politikama koje promovišu dugoročni rast i suzbijaju sivu ekonomiju.

Ključne aktivnosti prvenstveno podrazumjevaju djelovanje u pravcu stvaranja povoljnog i stabilnog poslovnog okruženja, atraktivnog za povećan priliv i domaćih i stranih investicija, kao glavnog generatora prognoziranog srednjoročnog makroekonomskog rasta. Provedbu planiranih aktivnosti i dalje prati nastavak reformi u cilju kreiranja stabilnog poreznog sistema i približavanju istog standardima Evropske unije.

Vlada Tuzlanskog kantona bit će usmjerena na oblikovanje fiskalne politike u cilju promovisanja konkurentnosti, povećanja efikasnosti javnog sektora te jačanja upravljanja javnim finansijama, kako na strani prihoda tako i na strani rashoda budžeta, uz poseban angažman vezan za aktivnosti usmjerene na promjenu propisa kojim je uređeno pitanje raspodjele indirektnih poreza i pitanje povrata vanjskog duga. Prioriteti u oblasti porezne politike i javnih prihoda u FBiH, a koji će imati uticaj na Tuzlanski kanton, za period 2022.-2024. godina bit će orijentisani na nastavku aktivnosti izrade prijedloga zakonskih rješenja kojima će se doprinijeti osiguranju i očuvanju ambijenta pogodnog privrednom rastu, sa stabilnim i predvidivim uslovima poslovanja, te poboljšanju naplate javnih prihoda, kao jednog od osnovnih agregata za planiranje razvojnih, socijalnih i ostalih društvenih potreba i obaveza.

Takođe, kao i u proteklom periodu, nastavlja se kontinuirano provođenje aktivnosti na pojačanom inspekcijskom nadzoru s ciljem poticanja poštivanja propisa u cilju poboljšanja porezne discipline, suzbijanja sive ekonomije, te postizanja efikasnije naplate javnih prihoda.

Vlada Kantona je u toku 2015.,2016.,2017. i 2018.godine , donosila Zaključke u kojima je upućena inicijativa prema Vladi Federacije Bosne i Hercegovine i nadležnim federalnim ministarstvima za izmjenu zakona o pripadnosti javnih prihoda („ Službene novine FBiH“, broj: 22/06, 43/08, 22/09, 35/14, 57/15 i 94/15) te će i u narednom periodu Vlada Kantona upućivati inicijativu prema Vladi federacije BiH za izmjenu zakona o pripadnosti javnih prihoda. Takođe i jedinice lokalne samouprave putem Saveza općina i gradova su podnobile inicijative više puta na istu temu.

Realizacija prezentiranog plana aktivnosti zavisit će prije svega od političke stabilnosti i institucionalne spremnosti nosioca aktivnosti, kao i drugih nepredviđenih događaja koji bi eventualno usporili i /ili odgodili realizaciju istih.

Poglavlje 4 - Srednjoročna porezna politika i prognoza direktnih i indirektnih poreza Grada Gračanice

Projekcije prihoda u periodu od 2022.– 2024. zasnovana je na projekcijama dostavljenim od MF TK koje se odnose na date projekcije prihoda od indirektnih poreza za Grad Gračanica kao i direktnih poreza te smjernica JU Direkcije cesta u kojima su date projekcije prihoda od indirektnih poreza.

Revidirane projekcije prihoda zasnovane su na historijskom i tekućem trendu naplate (I kvartal 2021), prateći pozitivne prognoze kretanja ključnih makroekonomskih parametara Direkcije za ekonomsko planiranje (DEP), koji ukazuju na postepeni oporavak ekonomije, pretpostavljajući da se negativni učinci pandemije virusa COVID-19 na ekonomiju neće značajnije prenijeti u drugu polovinu 2021.godine.Srednjoročne projekcije prihoda za period 2022.-2024.godina prate pozitivne makroekonomske prognoze za navedeni period, ali istovremeno zadržavajući održani nivo opreznosti i konzervativnosti u procjenama.

Kada je riječ o projekcijama prihoda od indirektnih poreza, iste su bazirane na srednjoročnom planu naplate ukupnih prihoda na Jedinstvenom računu, preuzetom od starne Odjeljenaj za makroekonomsku analizu Upravnih odbora Uprave za indirektno oporezivanje (OMA) iz aprila 2021.godine. Na osnovu srednjoročnih kretanja krajnje potrošnje izvršena je procjena učešća Federacije BiH u međuentiteskoj raspodjeli, dok je projekcija raspoloživog dijela ovih prihoda za raspodjelu korisnicima Federacije BiH , po godinama, zasnovana i na planu otplate vanjskog duga u periodu 2021.-2024.godina.

Svaki neplanirani događaj u 2021.godini, koji se u značajnoj mjeri može odraziti pretpostavljene iznose javnih prihoda, eventualno će dovesti i do vanrednog revidiranja projekcija prihoda.

Zakonom o pripadnosti javnih prihoda u federaciji BiH („ Službene novine Federacije BiH“, broj: 22/06,43/08,22/09,35/14 i 94/15) je detaljno definisana raspodjela prihoda od indirektnih poreza između Federacije, kantona, jedinica lokalne samouprave i direkcije za ceste.

Indirektni porezi

U skladu sa Zakonom o pripadnosti javnih prihoda u **FBiH** („Službene novine **FBiH**“ broj 22/06, 43/08, 22/09, 35/14, 94/15) prihodi sa Jedinstvenog računa se dijele na sljedeći način:

1. Otplate vanjskog duga,
2. Raspodjela na račun rezervi,
3. Raspodjela sredstava za potrebno finansiranje institucija BiH,
4. Raspodjela sredstava između entiteta i Brčko Distrikta.

U skladu sa Zakonom o pripadnosti javnih prihoda u **FBiH** („Službene novine Federacije BiH“,broj: 22/06, 43/08, 22/09) prihodi sa Jedinstvenog računa se dijele kako slijedi:

- a) Finansiranje funkcija Federacije 36,20 %
- b) Finansiranje funkcija kantona 51,23 %
- c) Finansiranje funkcija jedinica lokalne samouprave 8,42 %
- d) Direkcija za ceste 3,90 %,
- e) Finansiranje funkcija Grada Sarajeva 0,25 %.

Zakonom o pripadnosti javnih prihoda u Federaciji BiH je detaljno regulirana raspodjela prihoda od indirektnih poreza između Federacije, kantona, jedinica lokalne samouprave i direkcija za ceste, te puna primjena modela raspodjele prihoda po osnovu indirektnih poreza između svih nivoa vlasti u Federaciji BiH na osnovu propisane formule sa

utvrđenim kriterijima iz Zakona o pripadnosti javnih prihoda, koja je i korištena prilikom izrade projekcija za ove nivoe vlasti.

Projekcije prihoda od indirektnih poreza su bazirane na srednjoročnom Planu naplate ukupnih prihoda na Jedinstvenom računu, preuzetom od starne Odjeljenja za makroekonomu analizu Upravnog odbora Uprave za indirektno oporezivanje (OMA) iz aprila 2021.godine.

Na osnovu srednjoročnih kretanja krajnje potrošnje izvršena je procjena učešća Federacije BiH u međuentiteskoj raspodjeli, dok je projekcija raspoloživog dijela ovih prihoda za raspodjelu korisnicima Federacije BiH, po godinama, zasnovana i na planu otplate vanjskog duga u periodu 2021.-2024.godina.

Svaki neplanirani događaj u 2021.godini, koji se u značajnoj mjeri može odraziti pretpostavljene iznose javnih prihoda, eventualno će dovesti i do vanrednog revidiranja projekcija prihoda.

Zakonom o pripadnosti javnih prihoda u federaciji BiH („ Službene novine Federacije BiH“, broj: 22/06,43/08,22/09,35/14 i 94/15) je detaljno definisana raspodjela prihoda od indirektnih poreza između Federacije, kantona, jedinica lokalne samouprave i direkcije za ceste.

Projekcije prihoda sa Jedinstvenog računa trezora za nivo Tuzlanskog kantona u narednom trogodišnjem periodu su sljedeće:

Projekcije prihoda sa Jedinstvenog računa za Tuzlanski kanton

Indirektni porezi (KM)	Projekcija 2022	Projekcija 2023	Projekcija 2024
Tuzlanski kanton ukupno (I+II+III)	274.579.268	264.925.691	280.712.773
I Kanton	219.364.006	211.651.671	224.264.122
II Gradovi/općine TK ukupno	43.566.972	42.035.257	44.540.163
III JU Direkcija regionalnih cesta Tuzlanskog kantona	11.648.290	11.238.763	11.908.488

Predviđeni prihodi od indirektnih poreza za Grad Gračanicu u narednom periodu dati su u sljedećoj tabeli:

Grad Gračanica	Projekcije		
	2022	2023	2024
Prihodi od indirektnih poreza koji pripadaju općinama	4.539.752	4.380.144	4.641.160
Prihodi od indirektnih porez na ime finansiranja autocesta Federacije i drugih cesta	203.922	210.670	218.268
Prihodi od indirektnih poreza koji pripadaju direkciji cesta	514.179	496.101	525.664

Direktni porezi

U skladu sa Zakonom o pripadnosti javnih prihoda u Federaciji BiH, kantoni i općine prikupljaju niz direktnih poreza, koji uključuju, porez na dohodak, porezi na imovinu, kao i neporezne prihode po osnovu Kantonalnih i Federalnih propisa o porezima na imovinu i niz drugih neporeznih prihoda, koji im omogućavaju finansiranje ustavom utvrđenih funkcija.

Služba za poduzetništvo, lokalni razvoj i finansije Grada Gračanica je projekciju prihoda od direktnih poreza u DOB-u Grada Gračanica za 2022.-2024. godinu uradila na bazi ostvarenih prihoda u 2020. godini, procijenjenih prihoda za 2021. godinu i Smjernica koje su dostavljene od strane Ministarstva finansija TK za općine/gradove Tuzlanskog kantona.

Rizici od ostvarenja projiciranih prihoda mogu biti odstupanje od predviđenog ekonomskog rasta, nepredviđene promjene poreznih politika i promjene makroekonomskih pretpostavki.

Projekcije prihoda od poreza na dohodak, uključujući zaostale obaveze po osnovu poreza na plaće, za nivo kantona su sljedeće:

Porez na dohodak (KM)	Projekcije 2022.	Projekcije 2023.	Projekcije 2024.
Tuzlanski kanton ukupno (I+II)	77.498.543	81.060.756	84.878.524
I Kanton	47.090.671	49.255.189	51.574.990
II Gradovi/općine Tk ukupno	30.407.872	31.805.567	33.303.534

Pregled projiciranih direktnih prihoda (porez na dohodak) za Grad Gračanicu dat je u sljedećoj tabeli:

Grad	Projekcije		
	2022	2023	2024
Gračanica	2.376.960	2.486.217	2.603.312

4.1. Prihodi budžeta Grada Gračanice

Ukupni raspoloživi prihodi

Očekivani nivo ukupnih poreskih, neporeskih prihoda, namjenskih sredstava, grantova, donacija, koji su na raspolaganju za finansiranje funkcija Budžeta Grada Gračanica iznosi 11.546.913 KM u 2022. godini 11.331.732 KM u 2023. godini i 11.781.004 KM u 2024. godini. Iz datih projekcija može se vidjeti da je projektovani iznos Budžeta u 2023. godini manji za 1,86 % u odnosu na 2022.godinu. U 2024. godini projicirano je povećanje od 3,96 % .

U slijedećoj tabeli navedeni su prihodi i primici ostvareni u 2020.godini, planirani budžetom za 2021. godinu i projekcije prihoda za period 2022.-2024.godina.

PROJEKCIJE PRIHODA, PRIMITAKA I FINANSIRANJA ZA PERIOD 2022. - 2024. GODINA GRAD/ OPĆINA

Tabela 4.1.1.

Ekonomski kod		Ostavrenje	Plan.	Projekcije		
		2020. godina	2021. godina	2022. godina	2023. godina	2024. godina
	I BUDŽETSKA SREDSTVA (A+B+C+D)	12.284.707,00	10.738.459,00	10.884.913,00	10.668.732,00	11.116.004,00
	A. Poreski prihodi	8.117.909,00	8.121.743,00	8.845.413,00	8.798.732,00	9.224.004,00
711000	Porez na dobit pojedinaca i preduzeća	78.242,00	7.000,00	3.000,00	1.500,00	1.500,00
712000	Doprinosi za socijalnu zaštitu					
713000	Zaostale uplate poreza na plaće					
714000	Porez na imovinu	1.040.657,00	1.170.000,00	1.210.000,00	1.225.000,00	1.235.000,00
	Porez na plaću (zaostale uplate poreza)					
715000	Domaći porezi na dobra i usluge	567,00	500,00	500,00	500,00	500,00
716000	Porez na dohodak	2.074.284,00	2.074.847,00	2.373.960,00	2.484.717,00	2.601.812,00
717000	Prihodi od indirektnih poreza	4.924.110,00	4.869.296,00	5.257.853,00	5.086.915,00	5.385.092,00
719000	Ostali porezi	49,00	100,00	100,00	100,00	100,00
777770	Prihodi po osnovu zaostalih obaveza					
	B. Neporeski prihodi-budžetska sredstva	2.133.828,00	2.446.716,00	1.879.500,00	1.800.000,00	1.842.000,00
721000	Prihodi od poduzetničkih aktivnosti i imovine i prihodi od pozitivnih kursnih razlika	96.074,00	135.000,00	9.000,00	9.000,00	9.000,00
722000	Naknade i takse i prihodi od pružanja javnih usluga	2.033.994,00	2.307.716,00	1.866.500,00	1.785.000,00	1.827.000,00
723000	Novčane kazne	3.760,00	4.000,00	4.000,00	6.000,00	6.000,00
730000	Tekući transferi					
	C. Primici	2.032.970,00	170.000,00	160.000,00	70.000,00	50.000,00
	D. Finansiranje					
	II NAMJENSKA SREDSTVA, GRANTOVI I DONACIJE	2.498.861,00	2.601.497,00	615.000,00	615.000,00	615.000,00
721000	Prihodi od poduzetničkih aktivnosti i imovine i prihodi od pozitivnih kursnih razlika		120.000,00	120.000,00	120.000,00	120.000,00
722000	Naknade i takse i prihodi od pružanja javnih usluga	336.935,00	285.000,00	315.000,00	315.000,00	315.000,00
723000	Novčane kazne					
731000	Primljeni tekući transferi od inostr.vlada i međunarodnih organizacija	34.710,00				

732000	Primljeni tekući transferi od ostalih nivoa vlasti i fondova	418.888,00	247.500,00	180.000,00	180.000,00	180.000,00
733000	Donacije	23.317,00	2.000,00			
740000	Kapitalni transferi	1.685.011,00	1.946.997,00			
722630	III PRIHODI PO OSNOVU VLASTITE DJELATNOSTI-VLASTITI PRIHODI	37.600,00	47.000,00	47.000,00	48.000,00	50.000,00
	IV VIŠAK PRIHODA IZ PRETHODNOG PERIODA	173.735,00	3.538.619,00			
	UKUPNO PRIHODI, PRIMICI I FINANSIRANJE (I+II+III+IV)	14.994.903,00	16.925.575,00	11.546.913,00	11.331.732,00	11.781.004,00

Prihodi od indirektnih poreza

U Gradu Gračanica najznačajniji prihod u budžetu odnosi se na prihod od PDV-a na koji grad ne može uticati obzirom da je jasno regulisana raspodjela istog Zakonom o pripadnosti javnih prihoda.

Sastoji se od dvije vrste i to prihod od indirektnih poreza koji pripadaju direkciji cesta i prihod od indirektnih poreza koji pripada općinama.

Uzimajući u obzir smjernice koje smo dobili od MF TK te Direkcije cesta TK pristupili smo i planiranju / projekciji ove vrste prihoda po godinama.

Tako je u 2022.godini planiran prihod od indirektnih poreza koji pripada općinama u iznosu od 4.539.752 KM. U 2023. godini predviđen prihod po ovom osnovu iznosi 4.380.144 KM što je u odnosu na 2022.godinu manje za 3,52 %. Te u 2024.godini planiran je iznos od 4.641.160 KM što je u odnosu na 2023.godinu više za 5,96 %.

Porez na dohodak

Prihodi od poreza na dohodak, u skladu sa smjernicama datim od strane viših nivoa vlasti, u narednom srednjoročnom periodu u 2022. godini iznosi 2.376.960 KM (uključujući i zaostale uplate) u 2023.godini 2.486.217 KM (uključujući i zaostale obaveze) te u 2024. godini 2.603.312 KM (uključujući zaostale uplate).

Porezi na imovinu

Ovi porezi obuhvataju porez na imovinu od fizičkih i pravnih lica, porez na nasljeđe i darove, porez na promet nepokretnosti fizičkih i pravnih lica i ostale poreze na imovinu koji se naplaćuju i raspoređuju između budžeta kantona i općina prema kantonalnim propisima.

Projekcija ovih prihoda za 2022. godinu je 1.210.000 KM, 2023.godina 1.225.000 KM, te 2024.godina 1.235.000 KM.

Neporezni prihodi

Neporezni prihodi uključuju:

- naknade i takse
- novčane kazne
- posebne naknade
- ostali neporezni prihodi (uključujući i vlastite prihode budžetskih korisnika)
- naknade po osnovu dodjele i korištenja građevinskog zemljišta i građenje (NKGZ, prihodi od rente)

Očekivani ukupni iznos prikupljenih neporeznih prihoda u 2022. godini iznosi 2.361.500 KM. Dalje ostvarenje neporeznih prihoda u 2023.godini očekuje se u iznosu od 2.283.000 KM i u 2024. godini 2.327.000 KM.

Rizici po projekcije prihoda

Rizici ostvarenja projiciranih prihoda mogu biti:

- daljnje pogoršanje i produžavanje ekonomske krize praćeno nesagledivim ekonomskim posljedicama izazvanih pandemijom u svijetu,

- rizik od migracije stanovništva što može dovesti do smanjenja produktivnosti rada i sporijim rastom BDP-a.
- glavni rizici za promjene u kretanju platnog bilansa Bosne i Hercegovine za povećanje odnosno samnjenje deficita tekućeg računa nalaze se u vanjskotrgovinskom deficitu, tj. u promjenama stopa uvoza i izvoza roba, kao i promjenama cijena na svjetskom tržištu.

4.2 Izdaci Grada Gračanica

Ključni faktor za određivanje predloženih prioriteta potrošnje i gornje granice rashoda je projicirani okvir prihoda.

Za pripremu podataka za DOB Grada Gračanica 2022. – 2024.godina, ispred kabineta Gradonačelnika poslan je dopis/instrukcija potrošačkim jedinicama (gradske službe) da dostave projekcije rashoda te eventualno prihoda ukoliko se radi o prihodima po posebnim propisima i njihovom utrošku, kako bismo mogli sve sumirati te u skladu sa projiciranim prihodima utvrditi rashodovnu stranu budžeta za naredne 3 godine. Takođe, dopisi su poslani i Centru za socijalni rad, Dječijem obdaništu „Naša djeca“ te BKC-u da dostave svoje trogodišnje planove.

S tim u vezi, služba za poduzetništvo, lokalni razvoj i finansije (odsjek za Budžet i javne nabavke) je pristupila izradi rashodovne strane DOB-a uzimajući u obzir pristigle zahtjeve (nisu dostavljeni svi). Utvrđen je prijedlog DOB-a 2022.-2024.godina na osnovu dostavljenih zahtjeva, uvrštena je rubrika Podnosilac zahtjeva te rubrika Obrazloženje u dokument te je isti dostavljen Gradonačelniku na dalje razmatranje i donošenje konačnog DOB-a 2022.-2024.godina. Uzimajući naprijed navedeno Gradonačelnik je donio dokument okvirnog budžeta DOB 2022.-2024.godina koji će se uz Nacrt Budžeta 2022.godine dostaviti vijeću kao informacija. Na bazi predhodno navedenog te u skladu sa projiciranim okvirom prihoda izrađene su gornje granice rashoda za naredni period unutar kojih će službe razviti detaljne zahtjeve za budžetskim sredstvima u skladu sa narednom instrukcijom za pripremu finansijskih planova za Nacrt Budžeta 2022.godinu.

Takođe uz dokument kao Prilog.1 daje se i projekcija prihoda i rashoda za Grad Gračanica izraženu analitički.

U sljedećoj tabeli daje se pregled indikativnih gornjih granica ukupnih rashoda i izdataka Budžeta Grada Gračanica za period 2022.-2024. Godinu.

Tabela 4.2.1.

Ekonomski kod		Izvršenje	Plan.	Projekcije		
		2020. godina	2021. godina	2022. godina	2023. godina	2024. godina
	Plaće i naknade troškova zaposlenih	3.409.116,00	3.550.500,00	3.815.800,00	3.850.800,00	3.870.800,00
611100	Bruto plaće i naknade plaća	3.035.774,00	3.140.000,00	3.320.000,00	3.369.000,00	3.419.000,00
611200	Naknade troškova zaposlenih	373.342,00	410.500,00	495.800,00	481.800,00	451.800,00
612100	Doprinosi poslodavca	324.584,00	330.000,00	348.000,00	354.000,00	358.000,00
613000	Izdaci za materijal, sitni inventar i usluge	2.212.528,00	3.061.925,00	2.642.320,00	2.445.380,00	2.447.580,00
614000	Tekući transferi i drugi tekući rashodi	2.854.906,00	2.791.500,00	2.751.900,00	2.782.900,00	2.753.900,00
615000	Kapitalni transferi	298.980,00	368.237,00	38.000,00	34.000,00	34.000,00
616000	Izdaci za kamate	12.669,00	48.900,00	41.400,00	34.000,00	26.500,00
821000	Izdaci za nabavku stalnih sredstava	2.933.713,00	6.291.513,00	1.326.011,00	1.213.889,00	1.666.461,00
822000	Izdaci za finansijsku imovinu	32.500,00	30.000,00			
823000	Finansiranje-Izdaci za otplate dugova	81.681,00	313.000,00	443.482,00	476.763,00	483.763,00
	Ostalo	144.745,00	140.000,00	140.000,00	140.000,00	140.000,00
	U K U P N O	12.305.422,00	16.925.575,00	11.546.913,00	11.331.732,00	11.781.004,00

TABELA 4.2.1.

Rashodi i izdaci finansirani iz budžeta u 2022. godini predviđaju se u iznosu od 11.546.913 KM, dok se u 2023. godini projiciraju u iznosu od 11.331.732 KM, a u 2024. godini 11.781.004 KM.

Planiran prosječan broj zaposlenih u narednom periodu 2022.-2024 godina je 138 u 2023. I 2024.godini a vrijednost boda u 2022.g 335, u 2023.g 340 te u 2024.g 345.

Sredstva u budžetu po godinama planirana su na bazi pristiglih zahtjeva, smjernica te će DOB biti polazna osnova za izradu Nacrta budžeta za 2022.godinu kada će se moći još realnije sagledati potrebe i prioritete.

U DOB-u su planirani rashodi i izdaci koji se finansiraju iz budžetskih sredstava, namjenskih sredstava Cz-a i rashodi i izdaci koji se finansiraju iz grantova, inostranstva, viših nivoa vlasti što se vidi iz sljedeće tabele:

Tabela 4.2.2. RASHODI I IZDACI PO IZVORIMA

RASHODI I IZDACI	Projekcije 2022.-2024.		
	2022	2023	2024
Finansirano iz budžetskih sredstava, vlastitih prihoda	11.058.813	10.963.632	11.412.904
Finansirano iz namjenskih sredstava CZ-a	308.100	188.100	188.100
Finansirano iz grantova viših nivoa vlasti, građana	180.000	180.000	180.000
UKUPNO:	11.546.913	11.331.732	11.781.004

Tabela 4.2.3. UTROŠAK SREDSTAVA CZ-a

PRIHODI

Ekonomski kod	Naziv	PROJEKCIJE		
		2021	2022	2023
719114	Poseban porez za zaštitu od prirodnih i drugih nesreća po osnovu isplaćenih neto plaća zaposlenika	100	100	100
719115	Poseban porez za zaštitu od prirodnih i drugih nesreća po osnovu ugovora o djelu privremenih i povremenih poslova	0	0	0
722581	Posebna naknada za zaštitu od prirodnih i drugih nesreća gdje je osnovica zbirni iznos neto plaća	150.000	180.000	180.000
722581-1	Prenesena neutrošena sredstva Cz-a	150.000		
722582	Posebna naknada za zaštitu od prirodnih i drugih nesreća gdje je osnovica zbirni iznos neto primitaka	8.000	8.000	8.000
	UKUPNO I :	308.100	188.100	188.100

RASHODI I IZDACI

Ekonomski kod	Naziv	PROJEKCIJE		
		2022	2023	2024
613481-2	Izdaci za odjeću i uniforme	20.000	18.150	18.150
613727-6	Čišćenje vodotoka-javni radovi	15.000	8.000	8.000
	Nabavka i održavanje MTS, održavanje sistema za uzbunjivanje stanovništva	30.000	10.000	10.000
613991-12	Obuka struktura CZ-a	14.000	6.500	6.500
613991-10	Deminiranje sumnjivih površina od mina	30.000	21.210	21.210
613991-16	Sufinansiranje OOCK u organizaciji takmičenja učenika OŠ iz oblasti PMP, upozoravanja na opasnost od mina i organizovanja darivanja krvi	5.000	3.000	3.000
613991	Izdaci za finansiranje neplaniranih troškova u provođenju mjera zaštite i spašavanja	16.100		
613991-5	Otklanjanje posljedica prirodnih i drugih nesreća	45.000	30.000	30.000
613991-2	Izdaci za Antrax – cijepljenje stoke	10.000		
613991-26	Naknade za rad i troškovi izlaska na teren komsije za procjenu šteta od prirodnih i drugih nesreća	5.000	5.000	5.000
615211-3	Subvencioniranje nabavke opreme potrebne za provođenje lične i kolektivne zaštite građana	10.000	6.000	6.000
821619	Izdaci za sanaciju klizišta	43.000	40.240	40.240
821311-3	Oprema CZ i investiciona rekonstrukcija	65.000	40.000	40.000
	UKUPNO:	308.100	188.100	188.100

Poglavlje 5 – Otplata kredita

U narednom periodu 2022.-2024.godina Grad Gračanica ima obavezu otplate po kreditima Evropske investicione banke. Naime Grad Gračanica se zadužio po osnovu Odluke Gradskog vijeća za projekat vodosnabdjevnja i kanalizacije u gračanici. Otplata kredita kod Evropske investicione banke prema otplatnom planu dostavljenom od strane PMU-a u 2022.godini otplata iznosi 46.774 eura na ime glavnice i 4.290 eura na ime kamate, u 2023.godini otplata iznosi 59.700 eura na ime glavnice i 4.087 eura na ime kamate, u 2024.godini otplata iznosi 59.700 eura na ime glavnice i 3.876 eura na ime kamate.

Za kreditno zaduženje kod Intesa San Paolo Banke na ime dovršetka sportske dvorane Bazen otplata po godinama iznosi: 2022.godina 351.852 KM na ime glavnice i 32.979 KM na ime kamate, 2023.godina 359.132 KM na ime glavnice i 25.694 KM na ime kamate, te 2024.godina 366.566 KM na ime glavnice i 18.261 KM na ime kamate.

Cilj Dokumenta okvirnog budžeta je da pruži kvalitetniji strateški osnov za srednjoročno planiranje budžeta i pripremu godišnjih budžeta, kroz povezivanje trogodišnjih projekcija rashoda sa utvrđenim srednjoročnim prioritetima grada. Imajući ovo u vidu, utvrđeni prioriteti bili su polazna osnova kod donošenja odluka o predloženim prioritetima potrošnje, a u skladu s tim i budžetskim ograničenjima za naredni trogodišnji period.

Prijedlozi prioriteta potrošnje i početnih gornjih granica rashoda iskazanih u tabelarnom dijelu

DOB za period 2022.-2024. godine utvrđeni su na osnovu sljedećih elemenata:

- Strategije razvoja Grada Gračanica;
- fiskalne politike Grada Gračanica i okvira raspoloživih sredstava;
- dostavljenih finansijskih zahtjeva budžetskih korisnika/potrošačkih jedinica (Ju i službe);
- Smjernice ekonomske i fiskalne politike TK 2022.-2024.godina

Sastavni dio DOB-a je:

- Prilog 1. - Tabelarni pregled prihoda i primitaka sa indikativnim gornjim granicama rashoda i izdataka Grada Gračanica za period 2022.-2024.godine.

U skladu sa članom 18. i članom 19. Zakona o budžetima u Federaciji Bosne i Hercegovine („Službene novine Federacije BiH“, br.102/13, 9/14 i 13/14, 8/15, 91/15, 102/15, 104/16) nakon usvajanja od strane Gradonačelnika, ovaj dokument bit će objavljen na web stranici Grada Gračanice i dostavljen Gradskom vijeću Gračanica kao informacija uz Nacrt budžeta za 2022.godinu.

Bosna i Hercegovina
Federacija Bosne i Hercegovine
Tuzlanski kanton
GRAD GRAČANICA
GRADONAČELNIK

Broj: 02-11-02422-2021
Gračanica, 29.06.2021.godine

GRADONAČELNIK
Nusret Helić